

云何有因緣法謂有為法云何非有因緣法  
 謂無為法云何出法謂欲界繫善戒色無色  
 界繫出要寂靜善正受學法無學法及數滅  
 云何非出法謂除欲界繫善戒餘欲界繫法  
 餘色無色界繫出要寂靜善正受餘色無色  
 界繫法及虛空非數滅云何有出法謂有為  
 法云何非有出法謂無為法云何相續法謂  
 若彼法分段已起當起彼復云何謂過去現  
 在法若未來法現前必起後法與前法相續  
 是名相續法云何非相續法謂除過去現在  
 法及未來現前必起法若餘未來法及無為  
 法云何有相續法謂若彼法分段已起彼復  
 云何謂過去現在除阿羅漢最後命終五陰  
 若餘過去現在法前法招後相續是名有相  
 續法云何非有相續法謂過去現在阿羅漢  
 最後命終五陰若未來法及無為法二法竟  
 衆事分阿毘曇論卷第四 投二

莫至德年歲餘年七月青蘇勤齋經錄管天謹題

十五末

衆事分阿毗曇論卷第五

投三

尊者世友造 宋三藏求那跋陀羅共善提耶舍譯

分別攝品第六中

云何善法謂善五陰及數滅云何不善法謂  
 不善五陰云何無記法謂無記五陰及虛空  
 非數滅云何學法謂學五陰云何無學法謂

刊字作頭何座 沈蓮 徐怡祖 局司馮丞書

磧砂延聖寺大藏經局沙門 德璋 妙業 宣力

磧砂延聖寺大藏經局沙門 志琛 清表 對經

助錄兼提調經局前海籍僧正意明修證大師 惠明 提調

平江路嘉定州保安報恩禪寺住持沙門 志願 點對

平江路磧砂延聖寺首座兼管經局沙門 志明 校證

平江路磧砂延聖寺住持兼管經局沙門 志遠 校證

前江西吉州路報恩寺官講所開演沙門 克己 校證

陝西鞏昌路廣嚴禪寺講經沙門 義嘉 校證

陝西秦州觀音院講經律論持衣沙門 海雲 校證

宣慶住持平江路開元禪寺佛慧圓照大師 季莊 校證

行宣政院所委官杭州路天澤院孤巖居士何 敬德 校證

勸緣兼司德善行宣政院所委官前松筠樓僧福大師 普德 校證

勸緣都功德主榮祿大夫中書省左丞張 管天 校證

間 間 校證

成六

無學五陰云何非學非無學法謂有漏五陰及無爲云何見斷法謂若法隨信行隨法行人無間忍等斷彼云何斷謂見斷八十八使彼相應法彼所起心不相應行云何修斷法謂若法學見跡修斷彼云何斷謂修斷十使彼相應法彼所起身口業彼所起心不相應行及下穢汚有漏法云何不斷法謂無漏法云何見斷因法謂穢汚法若見所斷法報云何修斷因法謂修所斷法即如是法斷云何不斷因法謂無漏有爲法云何可見有對法謂一入云何不可見有對法謂九入云何不可見無對法謂二入云何報法謂若報得十入少分除聲入云何非報法謂不善善有漏法及聲入云何非報非非報法謂除報無記法若餘無記及無漏法云何下法謂不善法隱沒無記法云何中法謂善有漏及不隱沒無記法云何上法謂無漏有爲法及數滅云何小法謂少信少欲少

意解彼相應法彼共有法彼色法謂少微不多不廣是名小法云何大法謂大信大欲大意解彼相應法彼共有法彼色法謂多廣無邊無際無量及虛空非數滅是名大法云何無量法謂無量信無量欲無量意解彼相應法彼共有法彼色法謂多廣無邊無際無量及虛空數滅非數滅是無量法云何意樂法謂若法意所樂云何非意樂法謂若法非意所樂云何非意樂非非意樂法謂若意於法捨云何樂俱法謂若法樂受相應云何苦俱法謂若法苦受相應云何不苦不樂俱法謂若法不苦不樂受相應云何俱起法謂一切有爲法生相故云何俱住法謂一切有爲法住相故云何俱滅法謂一切有爲法滅相故云何非俱起法謂無爲法非生相故云何非俱住法謂無爲法非住相故云何非俱滅法謂無爲法非滅相故云何心俱起法謂若心俱起十一入少分除意入云何心俱住法

我三

二

謂若法心隨轉云何心俱滅法謂若心俱滅  
十入少分除聲入及意入云何非心俱起法  
謂意入若非心俱起十一入少分云何非心  
俱住法謂若法非心隨轉云何非心俱滅法  
謂聲入意入若非心俱滅十入少分云何欲  
界謂欲貪欲貪相應若受想行識彼所起身  
口業彼所起心不相應行云何瞋恚界謂瞋  
恚瞋恚相應若受想行識彼所起身口業彼  
所起心不相應行云何害界謂害害相應若  
受想行識彼所起身口業彼所起心不相應  
行云何出要界謂出要出要相應若受想行  
識彼所起身口業彼所起心不相應行及數  
滅云何無瞋恚界謂無瞋恚無瞋恚相應若  
受想行識彼所起身口業彼所起心不相應  
行云何無害界謂無害無害相應若受想行  
識彼所起身口業彼所起心不相應行云何  
欲界謂若法欲貪使所使云何色界謂若法  
色貪使所使云何無色界謂若法無色貪使

所使云何色界謂欲界色界是名色界云何  
無色界謂四無色是名無色界云何滅界謂  
數滅及非數滅是名滅界

又復一切色法是名色界除數滅非數滅餘  
一切非色法是名無色界數滅及非數滅是  
名滅界云何欲有謂若業欲界繫受緣轉起

投三

三

未來彼業報云何色有謂若業色界繫受緣  
轉起未來彼業報云何無色有謂若業無色  
界繫受緣轉起未來彼業報云何欲漏謂除  
欲界繫無明餘欲界繫相應結縛使煩惱纏  
是名欲漏云何有漏謂除色無色界繫無明  
餘色無色界繫相應結縛使煩惱纏是名有  
漏云何無明漏謂愚三界間無知

云何過去世謂若行已起等起生等生轉已  
轉已有已過去世已盡變過去過去世究竟過  
去世所攝是名過去世云何未來世謂若行未  
起未等起未生未等生未轉未已轉未有未  
現在未來未來究竟未來世所攝是名未來

世云何現在世謂若行今起等起生等生轉已轉已有已現在住未盡變現在現在究竟現在世所攝是名現在世云何過去說事謂過去行云何未來說事謂未來行云何現在說事謂現在行云何苦苦變苦苦行苦苦謂欲界苦苦色界變苦苦無色界行苦苦復次受苦苦苦樂受變苦苦不苦不樂受行苦苦

復次非意樂行苦苦意樂行變苦苦非意樂行非非意樂行行苦苦云何有覺有觀法謂若覺觀相應云何無覺有觀法謂若法覺不相應觀相應云何無覺無觀法謂若法覺觀不相應云何有覺有觀地謂欲界至梵世及無漏法云何無覺有觀地謂修禪中間已能得至大梵及無漏法云何無覺無觀地謂一切光音一切遍淨一切果實一切無色及無漏法云何身業謂身作及無作云何口業謂口作

及無作云何意業謂思業云何善業謂善身口業及善思業云何不善業謂不善身口業及不善思業云何無記業謂無記身口業及無記思業云何學業謂學身口業及學思業云何無學業謂無學身口業及無學思業云何非學非無學業謂有漏身口業及有漏思業云何見斷業謂若業隨信行隨法行人無間忍等斷彼云何斷謂見斷八十八使相應思業云何修斷業謂若業學見跡修斷彼云何斷謂修斷十使相應思業彼所起身口業及不穢汚有漏業云何不斷業謂無漏身口業及無漏思業云何現法受業謂若業此生作長養彼業即此生受現法報非餘生受是名現法受業云何生受業謂若業此生作長養彼業第二生受報是名生受業云何後受業謂若業此生作長養彼業至第三第四生方受其報或復經衆多生然後受報是名後受業

云何樂受業謂欲界相應善業乃至第三禪  
善業云何苦受業謂不善業云何不苦不樂  
受業謂第四禪地善業乃至無色界相應善  
業 三法竟

云何身念處謂十色入及法入中所攝色是  
名身念處云何受念處謂六受身眼觸生受  
如是耳鼻舌身意觸生受云何心念處謂六  
識身眼識耳鼻舌身意識身是名心念處云  
何法念處謂受所不攝非色法法入攝是名  
法念處

復次身增上彼道生善有漏及無漏是名身  
念處受心法增上彼道生善有漏及無漏是  
投三

名法念處復次緣身慧是身念處緣受心法  
慧是法念處

云何已起惡不善法方便令斷正勤謂已起  
惡不善法修令斷增上道生善有漏及無漏  
是名已起惡不善法方便令斷正勤云何未  
起惡不善法方便令不起正勤謂未起惡不

善法修令不起增上道生善有漏及無漏是  
名未生惡不善法方便令不生正勤云何未  
生善法方便令生正勤謂未生善法勤修令  
生增上道生善有漏及無漏是名未生善法  
勤修令生正勤云何已生善法方便勤修令  
住使不忘失滿足修習增廣智證正勤謂已  
起善法勤修令住使不忘失滿足修習增廣  
智證增上道生善有漏及無漏是名已生善  
法勤修令住使不忘失滿足修習增廣智證  
正勤

云何欲定淨行成就如意足謂欲增上彼道  
生善有漏及無漏是名欲定淨行成就如意  
足云何精進心慧定淨行成就如意足謂慧  
等增上彼道生善有漏及無漏是名慧定淨  
行成就如意足

云何初禪謂初禪所攝善五陰云何第二第  
三第四禪謂乃至第四禪所攝善五陰云何  
苦聖諦謂五盛陰云何集聖諦謂有漏因云

何苦滅聖諦謂數滅滅云何苦滅道聖諦謂學法無學法

云何慈謂慈慈相應若受想行識彼所起身口業及彼所起心不相應行悲喜亦如是云何捨謂捨捨相應若受想行識彼所起身口業及彼所起心不相應行

云何虛空入處謂虛空入處有二種謂正受及受生彼相應法若受想行識如虛空入處識入處無所有入處亦如是云何非想非非想入處謂非想非非想入處有二種謂正受及受生彼相應法若受想行識是名非想非非想入處

投三

六

云何隨乞得衣知足聖種謂隨乞得衣知足業增上彼道生善有漏及無漏是名隨乞得衣知足聖種云何隨乞得食及眠卧具等及樂閑靜樂修聖種謂隨乞得食眠卧具等樂閑靜樂修業增上彼道生善有漏及無漏是名隨乞得食及眠卧具等及樂閑靜樂修聖

種云何須陀洹沙門果謂須陀洹果有二種有為及無為云何須陀洹有為果謂證須陀洹果若學法已得今得當得是名須陀洹有為果云何須陀洹無為果謂證須陀洹果若結使斷已得今得當得是名須陀洹無為果如須陀洹沙門果斯陀含沙門果阿那含沙門果亦如是云何阿羅漢沙門果謂阿羅漢果有二種有為及無為云何阿羅漢有為果謂證阿羅漢果若無學法已得今得當得是名阿羅漢有為果云何阿羅漢無為果謂證阿羅漢果若諸結斷已得今得當得是名阿羅漢無為果

云何法智謂知欲界繫行無漏智廣說如前五法品乃至無生智亦如是

云何義辯謂不動智於彼第一義善能分別云何法辯謂不動智於彼名味句身善能分別云何辭辯謂不動智於彼言說不生礙想云何隨應辯謂不動智不斷不散決定自在

投三

七

云何因緣謂有爲法云何次第緣謂過去現在除阿羅漢最後命終心心法若餘過去現在心心法云何緣緣增上緣謂境界一切法云何鹿搏食謂搏食性因彼食故諸根增長四大增長隨養隨護充足清明是名搏食云何觸食謂緣有漏觸諸根增長四大增長養育諸根隨護長養亦如前說云何意思食謂緣有漏思諸根增長四大增長如前廣說云何識食謂緣有漏識諸根增長四大增長如前廣說

云何欲流謂除欲界繫五見及無明餘欲界繫結縛使煩惱纏是名欲流云何有流謂除色無色界繫五見及無明餘色無色界繫結縛使煩惱纏是名有流云何見流謂五見是名見流云何無明流謂愚三界闇無知如流扼亦如是云何欲取謂除欲界繫五見餘欲界繫結縛使煩惱纏是名欲取云何見取謂四見除一

見謂身見邊見邪見取見見是名見取云何戒取謂一見除四見謂取戒見彼復云何謂若人邪取戒相以爲清淨即是解脫起見起忍是名戒取云何我取謂除色無色界繫五見餘色無色界繫結縛使煩惱纏是名我取云何過去法謂過去五陰云何未來法謂未來五陰云何現在法謂現在五陰云何非過去未來現在法謂無爲法

云何欲界繫法謂欲界繫五陰云何色界繫法謂色界繫四陰云何不繫法謂無漏五陰及無爲云何善因法謂善有爲法及善法報云何不善因法謂欲界繫穢汚法及不善法報云何無記因法謂無記有爲法及不善法云何非善因非不善因非無記因法謂無爲法云何有緣緣法謂意識相應心心法緣云何無緣緣法謂五識相應若意識相應色無爲心不相應行緣云何有緣緣無緣緣法謂若

投三

八

意識相應心心法緣色無為心不相應行緣云何非有緣緣非無緣緣法謂色無為心不相應行四法竟

云何五陰五盛陰謂廣說如前分別七事品云何地獄趣謂地獄衆生若一性一種類一身自分得處得事得入若地獄衆生生彼處不隱沒無記色受想行識是名地獄趣畜生餓鬼趣亦如是云何天趣人趣謂若天若人一性一種類一身自分得處得事得入若天若人生彼此處不隱沒無記色受想行識是名天趣

云何見苦斷煩惱身謂煩惱身若隨信行隨法行人苦無間忍等斷彼云何斷謂見苦斷二十八使彼相應煩惱身云何見集斷煩惱身謂煩惱身若隨信行隨法行人集無間忍等斷彼云何斷謂見集斷十九使彼相應煩惱身云何見滅斷煩惱身謂煩惱身若隨信行隨法行人滅無間忍等斷彼云何斷謂見

滅斷十九使彼相應煩惱身云何見道斷煩惱身謂煩惱身若隨信行隨法行人道無間忍等斷彼云何斷謂見道斷二十二使彼相應煩惱身云何修斷煩惱身謂煩惱身若學見迹修斷彼云何斷謂修斷十使彼相應煩惱身

投三

九

云何色法謂一切四大及四大所造云何心法謂六識身眼識身乃至意識身云何心法謂若法心相應彼復云何謂受想思觸憶欲解脫念定慧信精進覺觀乃至煩惱結纏如前五法品廣說云何心不相應行謂若法心不相應彼復云何謂諸得乃至名句味身如前五法品廣說云何無為法謂三無為虛空數滅非數滅五法竟

云何地界謂堅相云何水界謂濕相云何火界謂熱相云何風界謂輕動相云何虛空界謂空邊色云何識界謂五識身及有漏意識云何見苦斷法謂隨信行隨法行人苦無間

忍等斷廣說如前分別諸入品集滅道修亦如是云何不斷法謂無漏法 六法竟

云何欲貪使謂如欲貪說云何瞋恚使謂惱害眾生云何有愛使謂色無色愛云何慢使謂慢心高下受云何無明使謂愚三界闇無知云何見使謂五邪見云何疑使謂惑諦不

了云何初識住謂有色眾生種種身種種想謂人及天是名初識住處云何初次第相續數謂初識住彼相應不相應若色受想行識是名初識住有色眾生種種身一種想謂梵天身彼初所轉是名第二識住處云何第二次第相續數謂第二識住彼相應不相應若色受想行識是名第二識住有色眾生一種身種種想謂光音天是名第三識住處乃至是名第三識住廣說如上有色眾生一種身一種想謂遍淨天是名第四識住處乃至是名第四識住廣說如上無色眾生離一切色想

離礙想礙想究竟無種種想思惟無邊空處住無邊空入處謂空入處天是名第五識住云何第五次第相續數謂第五識住彼相應若受想行識是名第五識住無色眾生已離一切虛空入處無量識住無量識入處謂識入處天是名第六識住乃至是名第六識住

投三

十

廣說如上無色眾生已離一切識入處無所有住無所有入處謂無所有入處天是名第七識住乃至是名第七識住廣說如上云何念覺支謂賢聖弟子於苦思惟苦於集思惟集於滅思惟滅於道思惟道無漏意思惟相應若念隨念念不忘失不散忘常不廢忘是名念覺支云何擇法覺支謂賢聖弟子於苦思惟苦於集思惟集於滅思惟滅於道思惟道無漏意思惟相應於法簡擇選擇擇相等擇相決定相慧覺聰明慧行觀察是名擇法覺支云何精進覺支謂賢聖弟子於苦思惟苦乃至於道思惟道無漏意思惟相應

若欲精進方便出要勇健心攝受捷疾無間是名精進覺支云何喜覺支謂賢聖弟子乃至無漏意思惟相應若心歡喜踊躍增上歡喜決定心樂所堪能喜所喜是名喜覺支

云何猗覺支謂賢聖弟子乃至無漏意思惟相應若身猗心猗樂猗所猗是名猗覺支云何定覺支謂賢聖弟子乃至無漏意思惟相應若心住等住樂住所住不散不亂攝受一心是名定覺支云何捨覺支謂賢聖弟子於苦思惟苦於集思惟集於滅思惟滅於道思惟道無漏意思惟相應若心平等等攝受心無受用住是名捨覺支

技三

七法竟  
十一

云何初解脫處謂內有色想外觀色是名初解脫處云何初次第相續數次第正受謂初解脫處若入正受善色受想行識是名初解脫處內無色想外觀色是名第二解脫處云何第二次第相續數次第正受謂第二解脫處若入正受善色受想行識是名第二解脫

處淨解脫處身證住是名第三解脫處乃至第三次第正受廣說如上離一切色想離礙想礙想究竟思惟無邊空處入無邊空處是名第四解脫處云何第四次第相續數次第正受謂第四解脫處若入正受若善受想行識是名第四解脫處離一切空入處入無邊識處是名第五解脫處乃至第五次第正受廣說如上無所有處非想非非想處乃至第七正受廣說如上名第七解脫處離一切非想非非想處想受滅身證住是名第八解脫處云何第八次第相續數次第正受謂第八解脫處若入正受若解脫得脫若法想微因想微次第想不相續不成就名第八解脫處

云何初勝處謂內有色想外觀少色若好色若惡色謂彼勝處生觀想是名初勝處入云何初勝處次第相續數次第正受謂初勝處若入正受善色受想行識是名初勝處入內

有色想外觀多色若好色若惡色謂彼勝處  
生觀想是名第二勝處入乃至第二正受廣  
說如上乃至第七勝處正受廣說如是名  
第七勝處入內無色想外觀色白白色白觀  
白光譬如憂私多羅華色成就如婆羅奈衣  
白白色白觀白光如是比丘內無色想外觀  
色白白色白觀白光謂彼勝處生觀想是名  
第八勝處入云何第八次第相續數次第正  
受謂第八勝處若入正受善色受想行識是  
名第八勝處入

云何正見謂賢聖弟子於苦思惟苦於集思  
惟集於滅思惟滅於道思惟道無漏意思惟

投三

十三

相應於法簡擇選擇擇相等擇相決定相慧  
覺聰明慧行觀察是名正見云何正思惟謂  
賢聖弟子乃至於道思惟道無漏意思惟相  
應若心覺隨覺色覺增上色覺覺數覺覺思  
惟等思惟是名正思惟云何正語謂賢聖弟  
子於苦思惟苦乃至於道思惟道無漏意思

惟相應除邪命口四過餘口惡行無漏數滅  
不作不為收攝律儀等護自防不作惡行不  
作過罪堅固堤塘住堅固不犯住是名正語  
云何正業謂賢聖弟子乃至於道思惟道無  
漏意思惟相應除邪命身三惡餘身惡行無  
漏數滅不作不為乃至堅固不犯住如前正  
語說是名正業云何正命謂賢聖弟子乃至  
於道思惟道無漏意思惟相應如前所除邪  
命身口惡無漏數滅不作不為如上廣說是  
名正命云何正方便說謂賢聖弟子乃至於  
道思惟道無漏意思惟相應廣說如精進覺  
支是名正方便正念廣說如念覺支是名正  
念云何正定謂賢聖弟子於苦思惟苦乃至  
於道思惟道無漏意思惟相應廣說如正定  
覺支八法竟

投三

云何貪欲結謂三界貪云何瞋恚結謂惱害  
衆生云何慢結謂七慢云何無明結謂愚三  
界間無知云何見結謂三見身見邊見邪見

投三

十三

云何他取結謂二見見取戒取云何疑結謂感諦不了云何嫉結謂心如增廣云何慳結謂心攝受堅著

云何初衆生居處謂有色衆生種種身種種想謂天及人是名初衆生居處是名初次第相續數云何名衆生居處謂衆生於中止住於中受生入是名衆生住處云何第二第三第四衆生居處謂如識住處廣說云何第五衆生居處謂有色衆生無想所謂無想天是名第五衆生居處第五次第相續數如上廣說云何第六衆生居處謂無色衆生離一切色想離礙想礙想究竟乃至第八衆生居處廣說如後三識住處云何第九衆生居處謂無色衆生離一切無所有處入非想非非想處住所謂非想非非想天是名第九衆生居處處次第相續數如上廣說是名九衆生居處

九法竟

云何初一切入處謂地一切入一相生上下

諸方無二無量是名初一切入處云何初次第相續數次第正受謂初一切入處若入正受善色受想行識是名地一切入處如地一切入水火風青黃赤白一切入處亦是空一切入處識一切入處一相生上下諸方無二無量是名十一切入處云何十一切入次第相續數次第正受謂十一切入處若入正受善色受想行識是名十一切入處

無學正見乃至無學正定如道支說云何無學正解脫謂賢聖弟子乃至於道思惟道無學意思惟相應若心已解脫當解脫云何無學解脫正知見謂盡智無生智十法竟

云何有漏色謂若色有漏從取生謂此色過去未來現在起欲今起當起若恚若癡一心數起諸煩惱今起當起是名有漏色乃至有漏識亦如是

云何無漏色謂若色無漏不從取生謂此色過去未來現在若欲應生不生若恚若癡及

按三

十四

餘心數煩惱應生不生是名無漏色如是乃至無漏識亦如是

云何無為法謂三無為虛空數滅非數滅法十一

云何十二入十八界謂如前分別七事品廣

說十二法十

云何眼根謂如眼入如是乃至身根如身入

云何女根謂身根少分男根亦如是

云何命根謂三界中命云何意根謂若心意

識彼復云何謂六識身所謂眼識乃至意識

樂根苦根喜根憂根捨根如前分別七事品

廣說云何信根謂依出要寂靜生信善法增

上信正思惟種種行種種作種種思惟心清

淨是名信根

云何精進根謂出要寂靜生於善法若欲精

進方便勇猛攝心常不懈息是名精進根

云何念根謂出要寂靜生於善法若念隨念

是名念根云何定根謂出要寂靜生於善法

若心雜亂善住等住是名定根

云何慧根謂出要寂靜生於善法擇法照察決斷審了是名慧根

云何未知當知根所謂超昇離生人若學慧

根謂彼根隨信行隨法行未無間等四聖諦

而無間等生是名未知當知根

云何已知根所謂見諦人無間等若學慧根

謂彼根信解脫見至身證已無間等四聖諦

增上無間生是名已知根

云何無知根所謂阿羅漢盡諸漏結若無學

慧根謂彼根慧解脫俱解脫現法樂住增上

無間生是名無知根法十二

云何九十八使謂三十六使欲界繫三十一

使色界繫三十一使無色界繫九十八

眾事分阿毗曇卷第五

捷疾上才堤塘上低啼

平江路在城奉先院住持比丘伯玉發心捨施中統鈔二十定助刊

太藏經板功德上報四恩下濟三有仍薦先考呂百十五承事

先妣大君瞿氏阿十二娘子同生 淨土者

投三

先樊大君瞿氏阿十二娘子同生

淨者

大德十年七月

日意

衆事分阿毗曇論卷第六

投四

尊者世友造 宋藏求那跋陀羅共菩提耶舍譯

分別攝品第六後一

亦炎法識法通亦炎法緣法增上法十八界  
 十二入五陰攝十智知六識識一切使使色  
 法十一界十一入一陰攝八智知除知他心  
 智及滅智六識識欲色二界一切徧使使及  
 修斷使使非色法八界二入四陰攝十智知  
 一識識一切使使  
 可見法一界一入一陰攝七智知除知他心  
 智及滅道智二識識欲色二界一切徧使使  
 及修斷使使不可見法十七界十一入五陰

攝十智知五識識一切使使  
 有對法十界十入一陰攝七智知除知他心  
 智及滅道智六識識欲色二界一切徧使使  
 及修斷使使無對法八界二入五陰攝十智  
 知一識識一切使使  
 有漏法十八界十二入五陰攝八智知除滅  
 道智六識識一切使使無漏法三界二入五  
 陰攝八智知除苦集智一識識使所不使  
 有為法十八界十二入五陰攝九智知除滅  
 智六識識一切使使無為法一界一入陰所  
 不攝六智知除知他心智及苦集道智一識  
 識使所不使  
 有淨法十八界十二入五陰攝八智知除滅  
 道智六識識一切使使無淨法三界二入五  
 陰攝八智知除苦集智一識識使所不使如  
 有淨法無淨法世間法出世間法入法不入  
 法染污法不染污法依法依出要法亦如  
 是